



古今辭命達

信



古今辭命達

四



古今辭命達目次

卷之七

明

與徐彭二太學

王錫爵

與李養愚

與王鳳洲

與王麟臺

與王元美

李攀龍



與友人

與俞仲蔚

辭里中

與人論祀鄉賢

唐順之

荅王遵岩

贈安子介

與孫比部

請羅太史

上申瑤泉

茅坤

與蘇紫溪

與董溇陽

示兒習舉子業

東霽寰

張九一

與孫獨山

張翰翔

荅方伯

與曹吏部

東友

錢福

與江宗伯

魏時亮

荅吳明卿

陳文燭

荅李中溪有道尊師

張居正

與王敬所論大政

荅應天巡撫海剛峰

荅趙汝泉

荅應天巡撫

荅何道清

荅邊撫

荅賈春宇

荅吳環洲

荅吳堯山

荅傅諫議

與周尚化

胡行恭

與繼津

楊繼盛

又

慰友

詹萬善

寄顏冲宇

馮謙

荅王懷棘

梅國禎

上張太岳子孝廉

沈懋學

與林年丈

趙用賢

與趙儕宦

勉友

馮夢禎

與朱侍御

何爾健

柬友燕居日課

陸樹聲

賀友

與盛鑑侯

鄭大儒

與余君房

孫鑛

與金福山

黃道日

荅刑崑田

馮琦

與趙定宇

荅王荆石

謝送油酒

勸友

與黃震宇

柬徐君任

與東華先生

荅張翰撰

荅李參戎

與梅君

與兩畫史

柬縣公

與友

與姚文學

復鄒水部

與方儀部

與徐少詹

馮子振

翁淑

虞邦譽

張滄江

徐渭

王穉登

吳獻策

蘇濬

楊守陳

東胡太常

孫懋昭

東朱侯

洪時臯

寄同社

與李克齋

鄒守益

荅李太乙

湯賓尹

寄任五安

詹景陽

與何侍御

祝世祿

與林廣文

與瞿睿夫

屠隆

與同會

李贄

與劉肖川

荅李見羅

與李卓吾

袁宗道

荅友人

荅李在杭司理

袁宏道

荅梅客生



荅沈何山

與弟小修

荅友人

與湯鄖陸

寄友

與龔惟學先生

與李卓吾

與湯鄖陸

柬內閣葉公

聘吳惺源

報溫直指

報史武麟侍御

荅王弱生

荅錢養淳

與嚴天池

荅孫無高

宋宗

宋宗

袁中道

何棟如

王元翰

沈蓮池

與秦任南

與蔡坦如

與黃彭池

卷之八

明

荅陳通政

耿定力

別鄭心衡

李延大

與張郡尊

景昉

與王伯毅

鄔鳴雷

與友

鄒元標

與友

吳震元

寄帥惟審膳部

湯顯祖

荅鄒爾瞻

寄李孺德

與友人

與無去上人

荅馬心易

荅馬心陽

柬張大尹

戴大槐

辭朱景川招飲

鄧志謨

示弟

朱吾弼

與吳祠部

張時弼

壽縣公

鄒光魯

荅黃孝廉

張定徵

與夫安次山

鄧氏

與胡敬可

王焯

與友人

陶望齡

與謝開美

寄弟君奭

又

與公履

與蔡大叅

與友大叅

又公

東馮大叅

寄馬君常

董其昌

荅黃復子司理

董應舉

與張鍾石

荅費無學

方應祥

與嚴印持忍公無敕

與譚友夏

鍾惺

又

與郭篤卿

與徐惟得憲長

與陳眉公

與姜箴勝門人

張萬

與余集生

劉達生

荅安我素

高攀龍

與揭陽諸生

上儕鶴趙師

又

荅朱平涵

與劉雲嶠

與何天玉

又

荅吳安節

又

與張子慎

與陳敬伯

荅周二魯

與王具茨

荅陳筠塘

荅孫子嗇

荅劉心統

與黃鳳衢

與蔣恬菴

報大哥

與洪桂渚

荅翁應玄

與觀華

與許涵淳

與任希顏

與尤澹明

與卞子靜

荅陳似水

與孫淇澳

荅楊金壇

荅王無咎

與曹允大

臨終與華鳳超

古今圖會  
東趙忻城掌府

王若之

東鄒南臯總憲

與鍾伯振

東友

與顧與甫

東鄭令

東友

與洪仲韋

東咸虛兄

東友

與王鍾湖

東友

上相國

東六部太守

上督撫

移兵道

東總鎮

候周敬馭

答林計部

古今辭命達卷七

內江

范文英

訂定



海陽

胡正心  
纂輯

胡正言  
參較

明

與徐彭二太學  
王錫爵

兩兄當勸舍弟于養身中兼外身小兒于屏事  
中兼練事若父兄之成敗利鈍總不必掛心也



與李養愚

方○今○之○世○下○官○攻○上○官○以○爲○名○上○官○媚○下○官○以○  
爲○厚○鄉○官○脇○有○司○以○爲○威○有○司○又○脇○鄉○官○以○爲○  
巧○真○極○亂○世○界○且○歸○之○數○耳○

與王鳳洲

凡○童○子○好○大○言○必○鮮○成○事○公○長○者○片○言○之○譽○渠○  
遂○借○爲○口○實○誤○此○兒○矣○

與王麟臺

海○剛○峯○天○下○奇○男○子○汲○長○孺○元○魯○山○之○流○也○有○  
傳○其○衰○蹇○倦○游○狀○者○僕○謹○對○曰○如○此○公○不○必○歸○  
不○必○不○歸○故○衣○一○篋○饑○僕○數○人○在○在○皆○逆○旅○息○  
息○皆○嬰○兒○也○可○憐○哉○遇○知○之○晚○而○天○復○忌○之○今○  
一○木○戢○形○烝○嘗○無○主○而○廟○堂○徒○借○地○下○以○風○地○  
上○恐○深○山○大○澤○間○畢○竟○有○舞○鰍○鱗○而○號○狐○狸○者○  
臺○下○代○陳○一○疏○

與王元美

李攀龍

真定邸中開械知元美病殊甚卽驚愕不識所措手不覺吞聲實涕矣元美素健如齧馬何至此哉嫂免身一男子大自慰情幸無恙當強粥也示詩哀激如秋雨真不可讀竟歌諸婢愴然矣億困之餘非此人無語此也

與友人

先民曰不復知有我亦知物爲貴吾儕解得此意則雖山居環堵未必不愈于畫省蘭臺淪茗煑泉未必不清于黃封禁鬻也具隻眼者有明識耳

與俞仲蔚

傾仰重名三十年于茲矣只尺貴廬自貽伊阻然往來皆以夜過遂不敢請之舟中以取晤當時而重不佞慢賢之罪徒有式艦翹注而已奈之何唯是齋敬片牘以聞所幸裁赦不宣

辭里中

丈夫生不能游大人以成名。卽當效魯仲連。布衣而排難解紛。令千里誦義耳。終安能區區爲章句師。坐帷中。日夜呻吟。佔俾從羣兒。取糈自食乎。

與人論祀鄉賢

唐順之

鄉賢之祀。關閭巷萬口。公論。關國家彰瘴大典。非勢位可得而干。非子孫可得而私。若可以勢位干。則魯國之祭鄉先生于社者。當太牢。于三桓。而不當太牢。于一栖栖伐樹削迹之人矣。若子孫可得而私。則三桓之有力。皆當奉其祖父。以從祭于社。與祭于大烝矣。孔子之作春秋。以垂不朽。當大書特書。弗何叔紇之名。于鄭僑。吳札之上矣。故曰稱足以誅之。稱足以謚之。此臣子事其君親如事天之心。而不敢以一毫之私與焉者也。此之謂古道也。僕不能自謀。而能爲人謀乎。草草亮之。

鄉賢一說。大率出于有力

古今圖書集成  
子孫遮掩門戶及無耻生員餽餒之計相共  
成之絕無足爲重輕羅念菴以吉水鄉祠駁  
襍所祀非類耻其父與之同列欲奉其主以  
歸此仁人孝子事親如天之心亦事死如生  
之心也鄉黨自好者生時必不肯與鄉里無  
賴爲伍死而魂氣有知何獨不然乎旣作荅  
學中書因漫記其說于後

荅王遵岩

僕居閒偶想起宇宙間有一二事人人見慣而  
絕是可笑者其屠沽細人有一碗飯喫其死後  
則必有一篇墓誌其達官貴人與中科第人稍  
有名目在世間者其死後則必有一部詩文刻  
集如生而飯食死而棺槨之不可缺此事非特  
三代以上所無雖唐漢以前亦絕無此事幸而  
所謂墓誌與詩文集者皆不久泯滅然其往者  
滅矣而在者尚滿屋也若皆存在世間即使以

古今圖書集成  
大地爲架子。亦安頓不下矣。此等文字。倘家藏人蓄者。盡舉祖龍手段。作用一番。則南山煤炭。竹木當盡減價矣。可笑可笑。僕又何用更置一莖草于鄧林芬芬之間哉。

贈安子介

謹具布被一端。奉爲令媛送嫁之需。布被誠至質且陋矣。然廁于刺繡結繪綾綺銷金綴翠玄朱錯陳之間。則如葦蕭土鼓而與朱絃玉磬金鐘大鏞相答響。乃更足以成文。又如貴介公子張筵邀客。珠履貂冠。狐裘豹祛。聯翩襍座。旣美且都。而有一山澤被褐老人。逍遙曳杖其間。乃更足以粧點風景。而不失其爲質且陋也。且夫桓少君之事。兄之所以養成閨行。而出乎習俗之外者。豈足多讓古人哉。素辱知愛。敢以家之所常用者爲獻。而侑之以辭。不然。亦願兄受之。而以畀之媵僕之用可也。

與孫比部

良苦仙郎復蹶而歸。按圖者之過哉。幸自慰自勉。以彼奇才。終當奮翼澠池。聞足下厄于堂下。則啞然驚也。不佞昔年有覆轍矣。無輕動。無輕怒。無輕近內。此千金奇方。下堂傷足。

請羅太史

昨已走尺一。徒然以松風蓮炬爲享。亦以足下類居士。不類宰官。不辱我頭陀供也。幸速舉玉趾。不佞下榻久矣。

上申瑤泉

茅坤

翁好士之名滿天下。而天下士喁喁向風而思附。恐後者。無他。鳳凰振翮于雲霄。則樊籠之斥鷃。羈繼之鷦鷯。亦爲竦翼而張翅焉。情也。傳曰。聖賢之樂善也。如貪其振滯也。如轉圜。惟相公畱意。

與蘇紫溪

古今圖書集成  
今之學者大弊。採子史，不循經典。掇菁華，不究根。芟騰口說，不敦踐履。競員融，不厲廉介。公秉文衡，亟宜救正。

### 與董溱陽

山中無他賓客，間有携金買文者至，既不能却，又不敢私，則呼囊錢入市，沽酒擊鮮，與共淋漓。當其放歌，山鳥欲和林，花半飛，隣家之父且笑且嘲，而莫與知也。兄其謂我得乎失乎。

### 示兒習舉子業

近日吾觀古方技列傳，如稱顧虎頭畫隣女，以棘刺其心，而女輒呻吟。吳道子畫驢，僧房聞有蹈籍破迸之聲。張僧繇畫龍，點睛而雷忽破壁飛去。古人于一藝之微，得其神解，則以之呼吸神鬼。如此而舉子業並約聖賢之旨而成文，蓋本其性情心術之微，而摹寫天地陰陽之化者，豈可不深之乎。道以求其解，顧特沾沾然勦人

繁蕪之言。以續耳。第目乎哉。

東霽寰

張九一

自古挾莠抱奇之士。足跡徧海宇。輒以知己之難爲嘆。何者。名敵則相掩。位敵則相凌。女並寵者。妒。雀並枝者。啁。勢則然也。

與孫獨山

張翰翔

風塵殊自苦人。孰與借色山川。昂眉掀鼻。以長日當小年邪。此正牛頭未見四祖時耳。倘以法。

眼坐照。金紫銀青。不啻以空花相向矣。

荅方伯

流亡滿目。痼瘵在體。鄭俠有圖。敢不捧獻。天子乎。蠲稅之疏。翰當以死請。不辭。

與曹吏部

大抵操趙孟之權者。能壞人之做官。不能壞人之做人。僕性戇。不耐趨權。僅以官爵還之朝耳。何至自壞人品。卑卑不錄。人頰邪。



東友

錢福

天下有二難。登天難。求人更難。有二苦。黃連苦。貧窮更苦。人間有二薄。春冰薄。人情更薄。有二險。江河險。人心更險。知其難。守其苦。耐其薄。測其險。可以處世矣。

與江宗伯

魏時亮

竊謂聖賢不遠于人情。時務當喫緊處。應補救者。補救人心。當不正處。應銷彌者。銷彌務挽太。

和還之宇宙

荅吳明卿

陳文燭

讀唱和雄篇。頓令煩襟爽然如洗。雙劍風烟一尊。雨雪此意輕千古矣。

荅李中溪有道尊師

張居正

正少而學道。每懷出世之想。中爲時所羈縻。遂料理人間事。前年冬。偶閱華嚴。悲智偈。忽覺有省。卽時發一弘願。願以深心奉塵刹。不于自身。

求利益。去年當主少國疑之時。以藐然之軀。橫當天。下之變。比時唯知辦此。深。心。不。復。計。身。爲。已。有。幸。而。念。成。緣。熟。上。格。下。孚。宮。府。穆。清。內。外。寧。謐。而。正。以。退。食。之。餘。猶。得。默。坐。澄。心。寄。意。方。外。如。入。火。聚。得。清。涼。門。以。是。知。山。寺。幽。棲。風。塵。寓。跡。雖。趨。舍。不。同。靜。躁。殊。塗。其。致。一。也。

與王敬所論大政

僕今事幼主。務兢兢守法。愛養小民。與天下

休息。諸大擘畫。必俟

聖齡稍長。睿明益開。乃

可從容敷奏。上請

宸斷行之。卽如宗室祿糧

及西北邊用書生爲將。與處置屬夷之策。皆

國家大事。急宜經理者。目前亦未敢言。又未知

他日可言之時。僕尚得立朝否耳。嘗謂世廟

以大有爲之君。而當時諸臣不能佐下風。徒取

儀文制度。紛更一番。未以修玄結局。至經國遠

猷。太平鴻業。固置而不講。至今令人怏怏也。辱

教謹藏之篋中。以俟乘機入告。王有事宜上  
大岳。其後更一番未見。其文辭。其至。其  
。答應天巡撫海剛峯。且不論。其可。其死  
三尺法不行于吳久矣。公驟而矯以繩墨。宜其  
不能堪也。譌言沸騰。聽者惶惑。僕謬忝鈞軸。得  
與參。北廟堂之末議。而不能為。朝廷獎奉法  
之臣。摧浮淫之議。有深愧焉。

答趙汝泉

近日吏治頗為清。惟司牧者不以民事為重。  
好為虛文相誑。計日待遷。此習竟不可易。

答應天巡撫

凡任事任怨之人。宜預將護。俾得展布。待其被  
劾。而後拯之。則無及矣。

答何道清

國家爵祿。以待有功。有功之人。不宜但加以爵。  
祿。須時時在念。不可忘也。

荅邊撫

今邊鎮所急。惟在廣積貯。興屯利蓄。壯勇休士。力以待他日之變。其他皆虛文耳。

荅賈春宇

犬羊之性。惟利是視。安能縛其手足。使不東行。惟知之速。備之嚴。使入而無利。則雖驅之亦不肯從矣。

荅吳環洲

薊門三衛。服屬二百餘年矣。捉人挾賞。猶不能一一盡語。乃可責之驕悍。新附之虜乎。要在當事者。隨宜處置。譬之于犬。搖尾則投之。骨狂吠則擊之。以箠。既箠而服。則復投之。投而復吠。則復擊之。而可與較曲直。論法守乎。

荅吳堯山

三十年前。有一弘願。願以其身為薦薦。使人寢處其上。溲溺之垢穢之。吾無間焉。

荅傅諫議

往者別時曾以守已愛民相規。乃屢辱厚惠。且愈至愈厚。豈認爲嫌少邪。至于腰間之白。尤爲殊異。願此寶物。何處得來。恐非縣令所宜有也。謹璧諸使。假之他人。可令返趙。執事從此宜思所以自勵。

與周尚化

胡行恭

裁抑之說。起于青衿之子。請謁公事。假私蹊以備員。此固流弊之甚。僕則以爲周士之貴。秦士之賤。皆有繇來。非可以一一罪士也。夫欲導爲射。示人操矢。欲導爲御。示人執轡。今盡以科舉而督實行。是猶誨射而示轡。誨御而示矢也。豈可值乎。故科舉之外。必行薦舉。則篤行之風。倡必坐舉。主則憑私之路。塞就有儉邪之人。懷無狀之心者。不得刺其間矣。乃欲爲定額以抑之。不亦後乎。依然以利相蔽蒙。奈何。

與繼津

楊繼盛

欲○幹○天○下○之○事○當○思○如○何○下○手○如○何○收○煞○事○成○如○何○結○果○事○不○成○落○何○名○目○死○生○雖○不○計○畢○竟○果○不○徒○死○否○

又

且○斂○鋒○蓄○銳○俟○時○可○爲○則○轟○烈○一○場○勿○徒○盡○其○心○而○不○計○事○之○成○否○人○皆○知○致○身○爲○忠○不○知○爲○天○下○愛○其○身○尤○爲○忠○之○大○者○

慰友

詹萬善

尺○霧○障○天○無○虧○于○大○寸○雲○點○日○何○損○于○明○外○人○嗚○嗚○奚○足○介○意○不○謂○明○公○顧○猶○有○是○

寄顏冲宇

馮謙

二○月○一○書○九○月○再○書○嗟○窮○道○屈○直○吐○胸○中○了○無○近○世○竿○牘○常○語○惟○丈○能○作○此○書○惟○弟○能○得○此○書○兩○人○交○情○見○矣○谿○上○嫁○女○清○白○吏○尤○苦○之○日○會○令○弟○云○令○愛○以○今○冬○于○歸○我○丈○能○不○爲○所○苦○乎○

夫革筭練裙古之道也。百兩諸姊今之俗也。從道則情不忍。從俗則力不逮。節文斯二者將修而用之。

荅王懷棘

梅國禎

手教具悉。邊臣苦心向來。邊事頗類弄丸。使人屬目。全在運用。宛轉一住手。則丸墜矣。至于實心實事。不事粉飾。則反指爲瑕瑜。譬之宮牆。用磚用石。方可久而不能無少破缺。用灰一塗。觀者反無隙可指。然外飾太盛。內必不堅。此其得失。必有能辨之者。兄丈有識有力。弟所傾服。但願自保終始不差一著。毀譽飛語。則堅塞兩耳。無聽爾。大計紛紜。幾無完璧。惟丈則無一人敢寘異說者。斯民也。三代所以直道而行也。

上張太岳子孝廉

沈懋學

昔者不佞候龍門。欲圖一面。嚴不敢請。今病二旬。生死未卜。昨蒙師賜問。已感厚恩。迺重車騎。

且升堂下拜，不佞何敢當。昏憤中驚聞之，便欲  
屈至榻前叩首以謝，而道從已發矣。悵悵，老師  
之留，原出聖明眷注。且古之豪傑爲天下安  
危，一已之虛名弗顧也。亦安得以常行議之。顧  
皇上留之既懇矣，老師亦忍恻然請歸矣。而保  
留之疏似出逢迎。此諸君所以有激而言也。言  
者既不體皇上憂天下至意，又不諒老師不  
得已熱心。至于臯譴，夫復何辯。但非常之事，守

常道者弗知也。諸君知守道而未可語權。且子  
之孝臣之忠同倫一心，原無軒輊。老師以純忠  
報主，而竟容諸君存孝之說，以植綱常。收人  
心廣相業。計當出此，而廷杖之舉，老師竟不力  
救。門下亦不進一言。老師不得稱純臣。門下不  
得稱諍子矣。天下所係以爲安危者在老師。而  
老師英風獨智，位絕百寮。諛者不欲規，愚者不  
能規。而疎遠者不敢規，負直者疑而未卽規。非



門下誰盡言哉。往者不可諫，來者猶可追。唯老  
師深思預圖之，則人心尚可收，相業尚可廣。天  
下久安長治，而禍機不起。門下家世亦永有光  
矣。卽不佞犬馬填溝壑，亦含笑九原矣。幸賜裁  
察。

與林年丈

敬亭之薇，滋味頗甘。宛水之棹，風波不險。弟將  
樂此以終天年。門下念弟乎，當訪我于青山碧

水間。

與趙儕雀

趙用賢

今天下議論一涉利達名場，則曰且姑與逶迤，  
勿過激取疑。至事涉關係，輒曰須從容隱忍。乃  
所以成事，其究不過一依回混同，而幸且脫手。  
此習已入人骨髓，往往得利以去，卽有鞠躬盡  
瘁，出身犯難者，且當以壞事目之。學術人心至  
此，弟愚不敢信。

勉友

馮夢禎

大丈夫生居人世。上之當達生死。證無上菩提。如悉達惠能。次之當飛昇玉京。後天地老。如赤松羨門。又次之當一丘一壑。栖神養和。以終其天年。如龐公司馬子微。下之當垂空文。以齒于不朽。如左丘明太史公。最下與時浮沉。而取榮名。蚊睫蝸角。以爲國土。朝霞秋霜。以爲事業。生無一日之驩。死無一日之譽。今之人大都然矣。足下慎擇之。

與朱侍御

何爾健

公騎驄馬。頂豸冠。以鐵面向人。令權貴豺狼者。手板將倒執矣。然以嚴霜肅三尺。猶當以皦日作雙眼也。伴來問何日啓行。珊然環珮。肯馭天風來下之。幸與荷等。

東友燕居日課

陸樹聲

以書史爲園林。以歌詠爲鼓吹。以禮義爲膏梁。

以著述爲文。繡以誦讀爲蓄。畚以記問爲居。積以佳言美行爲師友。以忠信篤敬爲修持。以作善降祥爲因果。以樂天知命爲西方。

賀友

犯簾前之禁。尋竈下之盟。玉雖種于藍田。珠將還于合浦。移夜半鷺鷥之步。幾度驚惶。得天上麒麟之兒。這回喝采。

與盛鑑侯

鄭大儒

作文不明。肯是一瞎子。看文不直筆。亦是一瞎子。吾社中當各具光明眼。勿作瞎子輩。

與余君房

孫鑛

近有對弈者。數負不服。曰我但貪耳。應之者曰。貪卽是汝。品下曰。但生耳。曰生卽是汝。品下曰。速耳。曰速卽是汝。品下曰。輕易。曰輕易卽是汝。品下文亦猶是。

與金福山

黃道日

僕今調郡爲歸計甚適。頃發武陵見漁舟繫纜。問之何不去。曰風如此。雪如此。前塗風波不利。舟楫僕憊然曰命之矣。

荅邢崑田

馮琦

今甘肅洮隴之間。蕭然苦虜矣。邊臣上疏請戰。以示武于衆。廷臣紛然建議欲興問罪之師。以不練之將。御不教之兵。持枵腹操鈍械。用百戰百不勝之術。以與虜爭一旦之命。此皆足不涉邊地而欲空喝高步。以自矜厲者也。當議貢市時。以爲得三五年無事。我可以有備。今已廿年矣。所爲備者安在。假令河西諸鎮有備。可恃有威。可振虜。宜不敢桀驁至此。卽桀驁亦或有以制之。而今直爲此凜凜也。河西恐終未能絕虜。卽河西絕。宣大貢市未宜與虜隙也。匹夫之鬪。旁解者亦且剛且柔。以爲權。豈有以一枝之變。遽聲各部落之罪。以一鎮之急。遽罷各邊鎮之

貢者哉。大抵今日之事，不可有必戰之事，不可無必戰之心。要在緩縻之，而急修備，令異日足爲扞蔽耳。宣大幸無事，然惟無事，乃可爲備。若有事，則用之，非備之矣。今之任事，旣非始議之人，後之當難，又非今任事之人。日復一日，天下事誰當任者？門下官河西久，今又執憲塞上，諸虜情形，九邊緩急，知有必然之畫。某雖書生，願一聞之，以壯心魄耳。

時事大約相同。

### 與趙定宇

諸君子貪見治平，風利拽滿檣帆，便且一息千里。此可賀，亦可憂。凡吾輩十分如意，則傍人決有十二分不如意。

### 荅王荆石

天下未嘗無事也。事之初起，往往甚小，因執而漸大，因爭而益大，事已觀之，又甚小，故善處事者，大事當使之小，濃事當使之淡，漸小漸淡，卽

漸無事矣。

謝送油酒

馮子振

某生平無貂可解。有螢在囊。君之賜大矣。然迢迢清夜。欲醉竹葉。則恐負蘭膏。容思所以處之。尊候違和。罪疎音問。竊意病必有根。貴知拔去。此惟智者可與道也。足下高明能深照膏肓。而善相之旋。當勿藥有喜矣。至望至望。

勸友

翁淑

與黃震宇

虞邦譽

足下病數月。便疔羸倍昔。丈夫胸中清曠廓落。花鳥竹石。靡非適境。一塵不起。萬念皆空。不知此際有何牽纏。有何情愛。更有何疾苦痛呻搔。撓其中也。弟貧處。茅齋無長物。幾卷圖書。數竿修竹。儘堪供狂生徜徉。兄能過我。當索斗酒聽黃栗送春也。

黃栗。卽黃鷗。

柬徐君任

風雨留人歸塗見阻。想君任目斷雲山。聽殘風竹。都是夢中愁矣。弟欲衝泥過訪。竟爲蠟屐所苦。強就小詩馳上。亦可解兄歸興。不作愁霖賦也。歸念淹江霧。長途阻麥天。誰知離別後。不使著先鞭。一徑封蘿雨。孤亭亂竹烟。如何成悵望。咫尺暮雲前。

與東華先生

張滄江

逐逐仕途。目不隨人視。耳不隨人聽。口不隨人

語。鼻不隨人氣。難乎免矣。公樂道自重。耳目口鼻。自爲之主。寧不快邪。

荅張翰撰

徐渭

絹不宜小楷。燥則不入。稍溼則盡斗。而烟高麗紙如錢厚者始佳。然亦止宜書。不宜畫。今寄者薄黯善沁。又卷束盡成皺裂。卽書亦不宜也。四長幅則佳品。惜兩月不弄手。生壞却此等物耳。緣老來杜撰之畫。如登州蜃樓。然有時而有。

時而無也。近又稍作觀音漫寄一條。書心經于上。聊塞黃庭之委。

答李叅戎

乍捧手教。繼拜盛儀。回思往日。銜杯圍榭樹石之間。談說鼓鞀。盼睐弓劍。日沈月升。而猶不忍別去。乘醉拂袂。毬騎襍揚。塵縷縷起。道上醺然。幾墜。真昨日事耳。舊景殫人。繼今新雅。馳想可知矣。瀟然到都。解裝便思。挿羽顧以三百里之遙。裹足可至。倘再勤圉人。付以一策。則事濟矣。

與梅君

肉質蠢重。衰老承之。不數步而揮汗成漿。須臾拌却塵沙。便作木開光明泥菩薩矣。再失迎候道。駕並只在鄉里故人咫尺之間。搖扇閒話而已。非能遠出也。稍涼敬當趨教。

與兩畫史

奇峯絕壁。大水懸流。怪石蒼松。幽人羽客。大抵



以墨汁淋漓。煙嵐滿紙。曠如無天。密如無地。爲上。

百叢媚萼。一榦枯枝。墨則雨潤。彩則露鮮。飛鳴棲息。動靜如生。悅性弄情。工而入逸。斯爲妙品。

東縣公

王穉登

渡江視汙邪。臥病逆旅。逆旅主人兒。操觚出就縣試。穉登心戚然。不勝舐犢。輒以無曲無回。仰干使君。幸稍置前行。無及并州快剪。更虛臺下。

惠也。猶子無由。亦稍能射覆。義不敢舍兄之子。并以爲請。孟黍豚蹄。而祝甌窶滿篝。蓋穉登方禳田也。乃遂禳諸臺下。將無仰天拊髀而笑之乎。

與友

僕頃中寒。幾殆。今蘇矣。然猶以杖代輿。以藥代糜。以蹙蹙叁頭十尺地。代千峰萬壑耳。

與姚文學

吳獻策

承示大作妙甚真當壓倒元白僕方苦吟而又見此愈覺難和所謂曲彌高和彌寡信不我欺謝生浮湛慾海朱顏易凋六龍飛轡更復加策念之念之公何不出光明藏照其迷塗邪遲見真以日爲歲秋涼卽伏謁以盡區區

元稹白

居易

復鄒水部

蘇濬

濬漫無短長猥承重寄又性木強不能承人眉睫湛盧豫章十不識一周鼎商彝百不識一事則芬係心則茅塞轍則鞅掌行則次且且樹功則拙賈怨則多恐不免吏議家有青山几有黃卷亦可娛老而安貧又奚必車塵馬足間立功名哉鼎鉉業公等努力毋庸過期于不敏濬也

時提督學校湛盧劍豫章木次且趨起同

與方儀部

丈夫生天壤間人品要高學問要廣胸襟要開

心事要爽。其功名富貴付之于命。命通邪。激昂雲霄。命塞邪。潛伏草野。顧不佞命不如公。今且逃迹深山。樂天真世俗之外。足下更不須以騏驥附蒼蠅。僕亦不敢以斥鷃笑大鵬也者。使行迫。草草不盡所言。

與徐少詹

楊守陳

平昔才無半斗。而喜作文。飲僅可數合。而喜與賓客燕酣。行不能里許。而喜遊涉。今皆不復爾。入朝班。滿前皆少年。新貴人。獨以一白髮青衫。廁其後。雖未謀引去。宦况已索然矣。

東胡太常

孫懋昭

昨藉草于清涼竹院。間小飲甚甘。舒語甚洽。歸路月光散影。冷露瀼瀼。遙田滿地。皆白雲。軟輿經過。恍如濯魄冰壺。超宕六合。吾輩脫非閒曹。安能與書帙壺觴。江山卉石。結此一段勝因也。

東朱侯

洪時臯

不肖愧非出世人物。何緣掛在明公口頭。又何緣臥在明公東上。玉山在。家語。此一。對。親。因。寄同社。與米盞。歸。守。六。合。吾輩。與。其。開。纔讀得一句。識得一字。胸膛便容不下。眼界便輕視人。終是一小家子。何曾見大門第也。願諸兄不可效此。

與李克齋

鄒守益

拜手教。其曰竹樹林塘。交呈道趣。花香鳥語。互發幽襟。真超然鐘鼎之外。然莫是猶倚于境否。假若金革百萬。簿書堆積。道味幽襟。亦有增損邪。

荅李太乙

湯賓尹

吾異夫。今之爲文者。已則無胸。而借人舌也。借于舌。則卑。吾直以三代聖而反。下借諸子。則益卑。又厯唾之餘也。何今之矯然自命豪者。不羞人餘也。

寄任五安

詹景陽

臥盤薄處悠然興至起作高松瀑布今以奉足  
下懸置高齋酷暑中能生涼否

與何侍御

祝世祿

秋色可人足下能乘興點染一小畫惠我齋壁  
乎世間清事最不受迫興不至且已興盡且已

與林廣文

隨緣盡心于人未必無所濟真見不可飄然作  
避世之士未晚不然情景不適身心爲讐不火  
自焦無繩自縛未有其樂先有其苦矣

與瞿睿夫

屠隆

足下束髮讀書有如徼天之靈蚤致雲霄立  
天子丹陛之下卽摘藻如春華亦詞人遭遇之  
常爾安能嘆咤萬夫驚動六合如今日哉今夫  
大海峰巒秀特一望浩浩平波安流烏睹奇觀  
逮長風下擊洪波湧起日月跳而不止然後見

其險絕也。

與同會

李贄

會期之不可改。猶號令之不可反。軍令之不可二也。故重會期是重道也。是重友也。重友以故重會。重會以故重會期。僕所以屢推辭而不欲會者。正謂其無重道重友之人耳。若重道則何事更重于道會也。邪。故有事則請假不往可也。不可因一人而遂廢衆會也。况可遽改會期乎。若欲會照舊是十六。莫曰衆人皆未必以會爲重。雖改以就我亦無妨。噫。此何事也。衆人皆然。我獨不敢。亦庶幾有以友朋爲重。以會爲重者。今我亦如此。何以望衆人之重道乎。我實不敢以爲然。故以請教。

與劉肖川

大字公要藥也。不大則自身不能庇。而能庇人乎。且未有丈夫漢不能庇人。而終身受庇于人。

者也。凡大人見識力量與衆不同者，皆從庇人而生。若徒庇于人，則終其身無有見識力量之日矣。今之人皆受庇于人者也。初不知有庇人事也。居家則庇于父母，居官則庇于官長，立朝則求庇于宰臣，爲邊帥則求庇于中官，爲聖賢則求庇于孔孟，爲文章則求庇于班馬，種種自以爲男兒，而其實則皆孩子也。豪傑凡民之分，只從庇人與庇于人處識取。

荅李見羅

閉戶却掃，怡然獨坐。或時飽後，散步涼天，箕踞行游，出從二三少年，聽彼俚歌，聆此笑語，謔弄片時，亦足供醒脾之用。可以省却枳朮丸矣。及其飽悶已過，情景適可，則仍舊如前鎖關獨坐，而讀我書也。其踪跡如此，豈誠避人者哉。如何如何。

與李卓吾

袁宗道

忽得法語助我精進不淺。又得讀近詩。至白盡。餘生髮。丹存不老心。遠夢悲風送。秋懷落木吟。使我婆娑起舞。泣數行下。近作妙至此乎。

荅友人

公骨剛志强。有擔荷此事之器。官閒事簡。有究竟此事之晷。真參真悟。是在茲日。不佞畏怖生死。發心參學。今又十年。老冉冉至矣。自救不暇。何能益公。大都此事不從自己。聰明得。况從他人。言語得乎。不佞雖欲益公。萬萬不能已。請自參之。

荅謝在杭司理

袁宏道

三弟盛稱在杭。胸懷如月。詩思如水。酒態如春。每踞石臨流。未嘗不思及兄。如人從杭州來。眉目髭鬚皆說西湖。今三弟滿面皆謝司理矣。

荅梅客生

一春寒甚。西直門外柳。尚無萌蘖。花朝之夕。月



甚明。寒風割目。與舍弟閒步東直道上。興不可  
遏。遂由北安門至藥王廟觀御河水。時冰皮未  
解。一望浩白。冷光與月相磨。寒氣酸骨。趨至崇  
國寺。寂無一人。風鈴之聲。與鴉吠相應。苔殿上  
題額及古牌字。了了可讀。樹上寒鴉。拍之不驚。  
以礫投之。亦不起。疑其僵也。忽大風吼簷。陰沙  
四集。擁面疾趨。牙齒澁澁有聲。爲樂未幾。苦已  
百倍。數日後。又與舍弟一觀滿井。枯條數莖。畧  
無新意。京師之春如此。窮官之興可知也。

### 苔沈何山

讀仁兄手書。知念弟之深。弟支離可笑人也。如  
深山古樹根。虬曲臃腫。無益榱棟。而世之高入  
韻士。愛其古朴。以爲山房一種清供。輦而致焉。  
費之惟恐不奢。仁兄或者以弟爲山房玩乎。則  
又何不尋一片清冷寬閒地。苔堦莓砌。鎮日相  
對。而必欲置之通邑大都。使一人玩而千人唾。

則仁兄亦何以自解乎。雖然，以一癡重無用之物，而致高人韻士之嗜，爲幸多矣。敢復偃蹇不聽驅置，弟行矣。

與弟小修

潘雪松畱吳二日，與之肆談，甚快。今世講學無出此公之上者，有眼如天，有胸如日，有口如河。

荅友

文章一事，知之甚難。無才者不知，有才未便知。無學者不知，有學未便知。有才者學，人品稍浮。不知胸襟不空濶，又不知不知者不知，知者亦不知。知之難也。

與湯鄖陸

札云酒畢再來取，此一語甚妙。弟讀畢，捧誦再過，復令小溪取筆，旁加數圈，可謂勇于服善者矣。

寄友

世網彌天。跳一網。旋入一網。甚而跳之不得入。網更深。反不如安意網中。作跳法最便。益也。若網中果能揮塵掃積。山林卽在几席下矣。弟貧病日久。靜極中。蛙腸頗有亮頭。弟前畢執齋。

與龔惟學先生

某此回得請。甚快。今年粗了匡山。此外別無分毫想。兒孫塊肉耳田舍郵也。身體手足偶而已。皆不足安頓計較。客居柳浪館。曉起看水光綠疇。頓忘櫛沐晨供後。率稚川諸閒人。杖而入村落。日晡棹小舟。以一橈劃水。多載不過三人。晚則讀書盡一二刻。燈下聚諸衲。擲十法界譜。斂負金放生。暇卽拈韻賦題。率爾倡和。不拘聲律。閒中行徑如此。聊述之。去牘以當一夕佳話也。

與李卓吾

袁中道

晦昧爲空。此是古人禪病。非今人禪病也。今世學人。其上者。堆積一肚佛法。包裹沉重。還嫌禪。

學疎淺鑽研故紙不休。此等人正是爲有。何曾爲空。又有一種口裏說我學禪學道。其實昏昏兀兀。接客之暇。籌計家私。飽飯之後。算量資俸。三乘十二分教。一字不著。一千七百則公案。一語未聞。若此種人。晦昧則儘晦昧矣。但是晦昧。爲有。不是晦昧。爲空耳。茫茫宇宙。覓一晦昧。爲空者。且不易得。而况絕學無爲者哉。

與湯鄖陸

弟以病得休。挂帆歸矣。每聞西湖之勝。欲于燈節前後。扶藜一來。湖水可以當藥。青山可以健脾。逍遙林莽。欹枕岩壑。便不知省却多少參苓丸子矣。但不識關門令尹。能辨青牛氣色否。

東內閣葉公

何棟如

恭惟相公閣下。孳孳爲善。休休有容。入相神宗。則主分封以安國本。退居田里。則倡白社以聚耆英。誠國家社稷臣。當今第一流也。不

才某奉違顏教業十有四載雖不敢投書于政  
府實未嘗自外于門墻昨敝同年周鎮伯來問  
相公起居狀曰樂曰病既而曰樂是真樂病非  
真病而相公一片居江湖憂廊廟之深心大  
都可槩見矣昨泰昌御極言念羽翼之勞特  
起相公于林下凡有心知誰不曰中國再相司  
馬而不才某父子叔姪辱在臭味者忻忻色喜  
更如何也昔人有不負先帝知遇再入翰林者  
有鞠躬盡瘁死而後已者計相公之于泰昌  
亦若是矣且也新主冲年踐祚勢極孤危  
父讐未振逆黨未誅墉隼方張城狐正匿正易  
所謂大過人之時也非具大過人之才詎能成  
大過人之事而才與誠合當今之世舍相公其  
誰耶不才某願相公暫謝江湖之樂少任廊  
廟之憂必至衆正盈朝羣邪屏跡然後上疏乞  
骸斂身求退則劉韓兩公已得安其位行其志

而宗社已安如泰山。固如磐石矣。是相公報  
答先帝之職分也。不然薦賢自代。既失之于  
先。而袖手旁觀。又失之于後。泰昌之逝。既不  
得正其終。新主之立。又不得虔其始。異日者  
國史執蘇洵責備管仲之義。大書曰某某舉某  
某代相。致有弑逆危亡之禍。不識相公將何說  
之辭。而振振公子。又何以自立于天地間也。不  
才某已甘明主之棄。不忍故人之疎。特此冒  
昧陳言。一爲勸駕。其可與否。敢不唯命是聽。

聘吳惺源

恭惟門下。簪纓世胄。禮樂名家。翼未展于鯤鵬。  
心實依乎日月。著述濬古今之秘。道重合章盤  
桓。明出處之關。義高待價。不佞某渴思杖履。希  
入幕以講素懷。欣慕斗山。冀橫襟而談兵法。屬  
在承恩起廢。輒爲募義勤王。雖多豪傑景從。  
而隆中之思殊切。不少韜鈴臚列。而圯上之教

更慙伏祈決勝疆場。運籌帷幄。乘機出世。同著績于燕然。應運興。泰朝。共昭勳于麟閣。恭惟勸駕。願效同舟。不腆輜儀。幸加麾納。

報溫直指

王元翰

方今民困礦稅之後。髓骨俱空。唯巡方直指撫而起之。尚可揀得一半。然安民必繇于察吏。察吏取決于安民。有利于民而不善事上官。此良吏也。善事上官而不利于民。此時吏也。時與良當在牝牡驪黃之外。察之竊見所薦多所時所良。非所薦如此。則良吏心阻。時吏氣揚矣。民何幾焉。

報史武麟侍御

方今紀法陵遲。士大夫汎汎若不繫之舟。任其所之而之。此致亂之根。吾輩不得而辭也。仰惟臺下。孤忠鳴鳳。正色立朝。不肖每莊誦大疏。想望風裁。侃侃鑿鑿。皆揀世名言。所願執橐弭以

從事者久矣。但言者愈切。天聽彌高。此亦世  
運之厄會。而奸相之餘烈也。故已成之局面。不  
能旦夕頓更。然諫主爲庇民也。丈夫誠旣不  
能悟。主力猶可以加民。乃今有司剝蝕小民。  
髓骨俱盡。而監司則又飽有司剝蝕之餘潤。暗  
啞曠聾。上下成套。貪墨雷同。士夫如此。何以責  
之。稅璫臣子如此。何以求之。主上則不恕之  
甚也。臺下簪筆持斧。進退在手。于此墨吏宜更  
加意詳察。寧嚴勿寬。寧多勿少。大則追贓。小則  
削籍。使此輩有望風解綬之懼。去其害苗者而  
苗生。以施于今。所謂爲吾之所得爲。做一分民  
受一分之賜也。豈非採時之第一義乎。

荅王弱生

蓮池

來書云。世累所羈。不能一洗凡俗。然世未足稱  
累也。世間法。如爲子而事親以孝。爲臣而事君  
以忠。乃至人倫庶物。一一與道非礙。所貴者。任



理隨緣無心順應而已。科場近且自一心舉業。登第之日發大誓願。必不以富貴利達負其所學。期如古昔名臣。是謂濟世。必不以富貴利達。迷失正念。務了明此一段大事。因緣是謂出世。如是則士大夫皆可卽宦遊而參禪。不離俗而入道者也。幸留心焉。

### 荅錢養淳

來論道念家緣。兩戰未降。今但于婚嫁等事。隨力隨分。一無強爲。卽與道念無礙。不兩戰也。若于觀心契合。便卽下手。必待俗緣了。則無時可了。

### 與嚴天池

人生閒忙亦有分定。必待極閒而後辨道。終無日矣。忙裏取閒。得一時空。便收拾散亂之心。攝歸正念。久之自然有得。然中亦不忘。

### 荅孫無高

抱疾窮山、雖相念、無便通一音問、頃聞世緣已  
偶、甚慰、得書又知在世緣中、不忘信力、尤愜遠  
懷耳、蓋處世須是隨緣、不必斷盡世緣、然後爲  
道、但外順人情、中存智眼、久之自有所得、

與秦任南

修行亦不必煩勞、要緊在得自本心耳、然不可  
見恁麼說、便擬拱手現成、所謂攝念體究者、不  
可忽也、攝念體究、亦非二法、攝之不已、心將自  
明、正體究時、卽是收攝、但肯信行、俱獲大益、

與蔡坦如

讀書當家求子、皆人間正事、但要、不爲所累、然  
三事非能累人、人自累耳、何也、讀書雖做舉業、  
至于得失、委之前緣、不生喜戚、則何累、當家雖  
營生計、而隨緣隨分、過得卽休、無求富心、無好  
勝心、則何累、求子雖無後爲大、而不娶者、乃爲  
不孝、帝王亦有無子而藩枝入承大統者、豈無

娶妾之資乎。有無不以動心。則何累。又復當知此三事者。雖曰正事。亦實虛幻。如水中月。如夢中境。卽于是中。忙裏偷閒。時時省覺。回顧正念。一朝惑破。方始帖然矣。

三事與黃彭池

夫病從身生。身從業生。業從心生。心空則業空。業空則身空。身且空。病安從生。願空其心。卽大忤意事。亦付之如夢如幻。如泡如影。怡然坦然。不以介意。但回光內照。不惟却病。而道從此入矣。

古今辭命達卷七終

古今辭命達卷八

內江 范文英 訂定

胡正心 纂輯

海陽

胡正行 參正

明

荅陳通政

耿定力

得○罪○以○來○以○青○山○為○窠○白○耳○山○人○行○坐○只○在○青  
山○以○晚○食○當○肉○安○步○當○車○無○罪○戾○當○富○貴○不○復

知有人間軒冕事。足下以五色線補舜裳。幸毋以老僮爲念。使旋迫草草裁荅。寬假之。

別鄭心衡

李延大

疎而不才。旣以疎斥。亦以疎全。疎故忘機。忘機故遣累。遣累故寡營。寡營故鮮過。學道尊生。祈了性命。法於陵之清德。而去其拘。慕青蓮之逍遙。而紕其放。是吾寶也。此外泡影浮雲。不復罣念矣。朝家事。公等勉旃。

與張郡尊

景昉

執事之于昉。猶春風之于草也。草不謝榮于春風。春風亦不自知其爲草之榮也。何以爲知己報哉。昨嘗奉只尺之書。比書想必達。伏冀報音。

與王百穀

鄔鳴雷

去冬雨雪積十旬不解。今冬一雪亦復數日。偶乘輿仗策至江口。沽鱸頭濁醪。登樓長望。浩然獨酌。瓊林玉樹。輝映左右。山下人家。柴門半掩。

青帘斜挑。飄舞風雪中。而遠水含空。上下一白。  
金焦二峯。如冰盤浸兩拳。石簑笠翁坐小艇。倚  
枯楊垂釣。時有片帆出沒。烟霞乍隱乍見。真奇  
觀也。安得半偈主人携。陽春調來高唱三山間  
乎。

與友

鄒元標

人生若浮烟。何乃據一窟。欲作千年窟。耶探歷  
名勝。差于茫茫大夢中。作佳夢。

與友

吳震元

人品文章。著一點柔媚。不得一柔。則立朝無膽  
力。處世無骨力。讀書無眼力。作文無腕力。如行  
墟墓中。了無生氣。如游女國中。了無丈夫氣。文  
章安得而不陋。人品安得而不卑。

寄帥惟審膳部

湯顯祖

人生有限之年。豈給無窮書籍。但用深心。取適  
于妙。弟去嶺海。如在金陵。清虛可以殺人。瘴癘

可以活人。此中殺活之機。于界局何與邪。歸苦熱瘴。魄幾易宅。疢危之後。身寄轉輕。語云。火見而草木節解。此時然也。兄無甚酒。幸爲我留少許精神。相老而嬉。品交掛而不早。

李元冲過此云。門下滿腹人材。無措手處。弟云。治世人多。于事。否則事多于人。世際竟未知何如也。

寄李孺德

吾輩初入仕路。眼宜大。骨宜勁。心宜平。勿乘一時意興。便輕落足。後費洗袂也。顧僕一生拙宦。而教人宦乎。然亦以拙教也。

與友人

古人云。才須學也。俗學虛談。吾輩收其實用。同年如章念清。其清可念也。云于鄉人未盡得其意。然鄉人亦非意所得盡也。

古今圖會通  
與無去上人

秋淨尚圖借一臂袈裟地聽龍門說法也四香  
戒如教上不亂財手香不淫慾體香不誑語口  
香不嫉害心香常奉四香戒于世得安樂

荅馬心易

此時男子多化為婦人側行俛立好語巧言乃  
得立于時不然則如海母目蝦隨人浮沉都亡  
眉目方稱盛德想自古如斯邪無一不效婦

人尚做不得婦人

荅馬心陽

南臯書來慰弟曰茫茫宇宙遂不能容一若士  
倘若士此中又不能容一海宇即便為所弄矣  
此語雖非其至差足豁人亦轉足奉兄破蹙為  
笑

東張大尹  
戴大槐

不接使君顏色寸心搖搖如風中旌也入夏以



來雨暘時若、秔穗遍野、黃童白叟、舍哺鼓腹、皆  
喁喁然歌邑大夫之德、山居伏睹、使君手編七  
諭、日與父老子弟羣聚而侍說之、其間勸戒纖  
悉、真父母之心哉。仁人之言其利也溥。視八壺  
九鯉比深而埒峻矣。茲因園果新熟、上獻野人  
芹曝之敬、惟使君一笑而納焉。  
八壺山、九鯉

湖

辭朱景川招飲

鄧志謨

盛筵特召弟、方在醉鄉、更不能以酒解醒、逆尊  
命矣。小徒裕之、僅能飲三蕉、豐稔年歲、不必以  
醉人為瑞、足下毋殷殷觴之。

示弟

朱吾弼

一札寄吾弟、不暇長語、第謂做官、當如將軍對  
敵、做人、當如處子防身。將軍失機、則一敗塗地。  
處子失節、則萬事瓦裂、慎之哉。

與吳祠部

張時弼

僕居深山中。辟荔可衣。不羨繡裳。蕨薇可食。不堪梁肉。箕踞散髮。可以逍遙。不復知趨謁權門。此山人樂事也。公如有意。不吝平分。

壽縣公

鄒光魯

卽辰郊遊。見皤而扶杖者。孩而騎竹者。壯而服冠帽者。咸仰斗九拜。頌明府千年壽。三公爵夫人心如此。天意可知。又安俟安期獻棗。方朔偷桃。與夫祈佛。諧願者哉。薄儀。敬賀。

唐君

爽任滿。百姓祈佛像留。

答黃孝廉

張定徵

功名胡可以巧取哉。巧而得者。命固得之也。命苟得之。巧亦來。不巧亦來。不然造物者能破壞之矣。足下暫淹驥足。命也。居易以俟之耳。秋候未清。幸足下加餐自愛。

與夫安次山

鄧氏

良人去楚。遂成黃雀。思君不忘。首如飛蓬耳。曩

所囑未敢遺忘。事姑謹。教子勤。田園命人胼胝。不至荒蕪。毋庸塵懷。第遊子悲故鄉。人情乎。竊慮湘江兩岸花木深。中有涓涓者在計。此地距高唐未遠。嗟我良人。更勿作行雲之夢。

與胡敬可

有生緣。必有苦趣。如晝必晦。明眼照破。委爲四時之序。乃知卜商之淚爲無益。愛根難拔。請以慧劍除之。

與友人

陶望齡

比登秦望絕頂。下視城廓。駟然如稚蠶之箔。于是中乃有無限鬪爭。不亦可笑。邪。達人會物爲已。如蟲禽之過耳。雲烟之過目。何憎愛之有。居鬧場中正。宜常作是觀也。

與謝開美

承于玉蟠處得箇入處。山河大地悉爾消隕。而習氣未忘。弟所未喻也。如何是習氣。山河大地。

是○如○何○是○山○河○大○地○習○氣○是○山○河○大○地○既○然○消○  
隕○習○氣○何○處○著○脚○兄○于○熾○然○中○消○之○使○無○于○空○  
虛○中○憂○其○爲○有○卽○此○惡○見○于○山○河○上○突○起○山○河○  
于○大○地○上○重○安○大○地○是○謗○玉○蟠○也○是○謗○自○也○但○  
莫○妄○分○別○自○然○無○空○花○願○兄○實○地○參○究○莫○掠○虎○  
頭○

寄弟君奭

今○人○不○曉○作○文○動○言○有○奇○平○二○轍○言○奇○言○平○挂○  
誤○後○生○吾○論○文○亦○有○二○種○但○以○內○外○分○好○惡○不○  
作○奇○平○論○也○凡○自○胸○膈○中○陶○寫○出○者○是○奇○是○平○  
爲○好○從○外○剽○賊○沿○襲○者○非○奇○非○平○爲○劣○骨○相○奇○  
者○以○面○目○波○濤○奇○者○以○江○河○風○恬○波○息○天○水○澄○  
碧○人○曰○此○奇○景○也○西○子○雙○目○兩○耳○人○曰○此○奇○麗○  
也○豈○有○二○哉○但○欲○文○字○佳○勝○亦○須○有○勝○心○老○杜○  
言○語○不○驚○人○死○不○休○陸○平○原○云○謝○朝○華○于○旣○披○  
啓○夕○秀○于○未○振○昌○黎○曰○惟○陳○言○之○務○去○憂○憂○乎○

難哉。自古不新不足爲文。不平不足爲奇。鎔範之工。歸于自然。何患不新。不古不平不奇乎。時文雖小伎。然有神機。須悟得之。能悟者看一句。書明經書。皆明讀。古人一篇文字。得其機杼。全部在。是作一篇文。便如百十篇。若看一句止。是一句。做一篇止。當一篇。則何益哉。并其一篇一句。亦非矣。予于此中。亦少有領畧。弟曾見我終日翻講書。否做五篇七篇。一歲至百篇。不喜看古書。亦有幾段成誦。不此固蹇拙慵懶。不足多法。要其所以。亦故有在。非專天幸也。

又

舉子之義。當先入體局。調其氣脉。使修短適節。疎密稱情。然後運之以新藻。行之以古詞。如人眉目髭鬚。尚不能具。何暇議粉澤哉。

與公履

陳繼儒

關尹子曰。賢愚心愈明。則交不睦。是非心愈明。

則事不成。此非獨施之朋友。實家庭一藥譜。

### 與蔡大叅

上士閉心。中士閉口。下士閉門。不肖竊附中下。老息三家邨。課子之外。間聚四五門生。以一卷送殘日耳。嘗有詞。世事如棋。誰國手。從傍看打。鴛鴦劫。

### 與友

行文之妙。不在實景。在虛景。不在比語。在冷語。色飛頤解。政如西子太真。卽其低帷昵枕。雖復淫靡餘味。索然不若無意中停眸一盼。反使人神情欲死。

又

陸平翁謂余云。古人言天地如逆旅。不知此身亦小逆旅也。造物是房主人。我曹是借房住的。若限定幾年。便不許住。此謂大限已盡。余曰不然。若借房人。平日安分守法。不得罪于房主人。

古今辭命選  
彼此相得。再容他多住幾年。亦有此理。此又聖賢修德凝命之說也。平翁笑而點首。蓋今日不

東馮大叅

清風百世直道三黜固也。憐才如春風拂面便消。忌才如嚴霜一寒透骨。信哉。玄宰度馮先生脂車峭帆。行必接浙。某獨曰。先生嶽崎磊落人也。且以一官爲桑下宿。以一路佳山水爲籬下物。未必遂返。果然。

寄馬君常

董其昌

足下文壇伊呂。聲名久沸人耳。天下誰不願交君常哉。僕竊以願交足下者。淺淺爲名。深深爲文。爲名固膚得君常者也。卽爲文亦不過從誦習之間見君常耳。非必有神契也。是其淺固淺。其深亦淺。若僕之願交足下。不爾也。蓋足下一種慷慨激昂之氣。深沉鬱勃之致。久往來于僕胸中。注而爲想。又注而爲夢。無非君常也。此一

段光景。僕自知之。而足下不知。敢以布之寸楮。爲足下一陳焉。

其答黃復子司理文。且下不願。董應舉一

執法吏固有之矣。往往以避嫌兩字埋沒本心。坐視人死。曰吾不得已也。嗚呼不得已而避嫌。而得已于無辜而死哉。門下素意某已深知。不忍推溝百姓。便不難脫屣一官。不難脫屣一官。便不推溝百姓。總一心也。承教欣慰。盛儀附璧。錫我之光。不在此也。

與張鍾石

某閩之蓮峰梅島間人也。居水鄉習水事。歸則以水爲家。以水爲業。無端而嬰以冠組。如魚登陸。汲汲欲去之。今乃縱壑矣。出都之日。天色晴麗。西山藍蔚。橫列天際。相隨至涿州。猶眷而不捨也。作詩曰。不出都門那有此。况逢晴日更無塵。從今以往。一鷗一鷺。一笠一竿。五帝三王一



匡九合之事業盡是矣。考槃永矢。有地可尋。兼葭一方。所見惟水。窅然而聽。宇宙不歇之濤聲。壯哉足吾事已矣。沒吾齒也。過承篤念。携尊見別。戴德而南。飛夢相謝。若持使節。過瓜瓞之舊里。則漁父當驅波臣。溯白龍江上。羞一鱗于貴人前。且吹鐵篴。唱漁歌以勸也。

荅費無學

方應祥

千秋之業。抑而就一時之制。光怪駿僑。踣藉靡上。里中小兒。未見駱駝。而咤馬背之多肉。又何責焉。

與嚴印持忍公無敕

世間中下之人。遇凡不可樂事。千劇萬劇。不能解脫。多有無可奈何。一念隱隱出頭。爲之拔濟。雖五內如燬。而涼颼忽生。以小不致病。而大不致死。此無始以來。救命菩薩乘急發見也。况如我輩。素以惺惺自命乎。

古今醫命通  
與譚友夏

鍾惺

贈詩四章恐南中山川所不經見。以此悲世人。心不小。不能下一友。夏心又不大。不能容一友。夏也。

又

輕詆今人詩。不若細看古人詩。細看古人詩。便不暇詆今人也。思之。

與郭篤卿

弟平生不喜星相。尤不喜星相之極驗者。凡以人生禍福。妙在不使人前知。若一一前知。便覺索然。且多事矣。弟所知陳生。則星相之極驗者也。以弟不喜其術。欲去而之他邑。想兄與弟同好惡。亦應不喜此術。而世上如我兩人趣尚者。百無一二。則陳生之遇者。百而不遇者。亦一二也。幸隨分推廣。但莫薦之鍾伯敬一流人耳。笑笑。

與徐惟得憲長

朱翁貧老。足跡半朱門。口不及事。亦有守人也。比見其冬月無絮。哀之甚。貧士不能爲之地。而卽其家中窮苦狀。有十百倍如衣無絮者。此一端猶非其所急。特口不肯言耳。尤以有庇宇下。飲啄恩多。不忍以饑寒言辭頻發諸口。以愁仁人之耳。某通家年少。知翁欲聞此言。此狀故代言之。口惠無實。借手任德。薄甚罪甚。

與陳眉公

相見甚有奇緣。似恨其晚。然使前十年相見。恐識力各有未堅透處。心目不能如是之相發也。朋友相見。極是難事。鄙意又以爲不患不相見。患相見之無益耳。有益矣。豈猶恨其晚哉。

與姜箴勝門人

張 鼐

杜門不見一客者三月矣。雷都散地。禮曹冷官。而乞身之人。其冷百倍。然生平讀書潔身可對

衾影。卽鄉曲小兒忌謗相加。無怪也。獨念國。家所重者人才。君子所惜者名行。今設爲風波之世局。令小人得駕爲陷阱。而驅局外之人以納其中。縱不爲斯人名行惜。其如國家人才一路何。人才壞。而國事壞。國事壞。而士大夫身名爵位。與之俱壞。吁。可懼也。不佞歸矣。有屋可居。有田可耕。有書可讀。有酒可沽。西過震澤。南過武林。湖山之間。賦詩談道。嗟堪自老。官居卿貳。年逾五十。而又黃門彈事。止云文章無用。恐濫金甌不減。一篇韓昌黎送楊少尹序。嘻。可以歸矣。况又朝局以爲庸糜。而天子以爲才望。卽宗伯墓門一片石。他年邀惠悼史。不稱好結局哉。可以歸矣。諦觀年來士大夫風尚。愈趨愈下。鯁鯁惟異已。是除私人。是引楚人。爲楚人出缺。秦人爲秦人營遷。不論官方。不談才品。目中豈復有君父。而堪以服天下。挽世運乎。足下講

臣也。朝夕對揚。重瞳須畱一段光明于胸中。卽不宜輕發以逢時忌。而因事陳規。婉詞微諷。當有旋轉妙用。莫負此千載遭逢也。吾輩口不宜快而心固不可不熱。二疏已上。速去爲幸。扁舟已買江上矣。

與余集生

劉達生

世間極認真事曰做官。極虛幻事曰做戲。而弟竊愚甚。每于場中見歌哭笑罵打諢插科。便確認爲真。真不在所打扮。古人在此扮古人之戲子。一一俱有父母妻兒。一一俱要養家活口。一一俱以哭笑打諢養父母活妻兒。此戲子乃真古人也。又每自于頂冠束帶粧模做樣之際。確然自道一真官。天下亦無一人疑我爲戲子者。正不知打恭看坐。懽容笑口。與夫作色正容。凜莫敢犯之官人。實卽此養家活口。做哭做笑之古人耳。乃拿定一戲場。戲具。戲本。戲腔。至五

臟六腑全爲戲用。而自亦不覺爲真戲子。悲夫。  
高攀龍

兄此行討一入頭。是暮年大享用也。此事只在篤志真信。聖人朝聞夕可。不聞不可也。一念竦然。卽此竦然之刻。便是放心收回之刻。當下認取。自後放卽收回。以直養之而已。無他事也。所謂放卽收回者。纔覺放。便已回。更別無收。所謂以直養之者。不入纖微事也。覺其放者。乾知也。乾知大始。如閃電無踪。直養者。坤能也。坤作成物。如住宅。可守。弟有靜坐說。是守之之法。書以請正。萬不可做有作爲功夫。一涉有爲。卽是假法。決不見道。蓋此事本體原。是無極。故功夫不得有爲。合功夫之謂本體。合本體之謂功夫。二之。則不是矣。辱兄清問。以弟所知者。備採擇可也。

與揭陽諸生

別來加工何如。靜坐收攝浮蕩精神。舉動守聖賢法戒。貨色二字。落腳便成禽獸。貧儒少年從此清楚。方有根基可望。舉動不苟。則虛明中無悔尤之擾。靜處益得力。靜處收攝寧定。則事至物來。方能審擇是非。不迷所向。兩者合一。交資而尤以靜定爲本。每日如此用工。不患人品不成。意念高遠。襟懷洒落。加以讀書精專。不必求工文字。自無不工之理。所業旣工。科第自在其中。又何必營營于得失。自累其虛明。使彼此兩失哉。此鄙人近來灼見。決不誤諸兄。千萬加察。三千里外。遙思往日相與之雅。愛莫能助。惟此言可贈耳。

上儕鶴趙師

渭南居鄉不識賢令尹。居官不識賢鄉紳。復何言其他事。龍今年自東林會期外。卽入山閉關。以學問宜靜。以衰年宜靜。以時局宜靜。此時山

中人不一味靜嘿。非學矣。老師以爲何如。龍去年得胸膈之疾。殆矣。急勇猛擺脫。一切世事。盡情棄捨。終日怡怡。觀大化流行。久之身心內外。瑩然朗徹。病亦自愈。自喜因病得藥。又因藥得病。不免習成懶惰。令姪丈在此年餘。于老師亦無一字報聞。秋來方始整頓。伏念老師當此秋爽。不知于何處行樂。以何事爲樂。世局如此。總無開口處。總無著心處。落得做箇閒人。自家性命。自家受用而已。見老師種種製作。于海內知交。如齧十指。十指應心。負老師一點痛心者。非人哉。龍滋懼矣。

荅朱平涵

年丈以地方役事。冒羣譏衆訕。毅然爲小民造命。此大丈夫所爲。卽此一事。他日立朝之槩。可見。居廟堂之上。則憂其民。處江湖之遠。則憂其



君此士大夫實念也。居廟堂之上。無事不爲吾君處江湖之遠。隨事必爲吾民。此士大夫實事也。實念實事在天地間。凋三光。敝萬物而常存。其不然者。以百年易盡之身。而役役于過眼卽無之事。其亦大愚也哉。弟丘壑中腐物也。有虛見而無實用。舍年丈其誰與歸。尊東有云。弟與王年兄論動極靜極之說。已忘之矣。然吾輩學問。以眇爾六尺爲太極。作箇骨子。則陰陽動靜。又不足言也。何日得一抵掌。臨書慨然。

與劉雲嶠

今之學者。每好言悟。夫悟誠足重矣。非悟則無默識。非默識則何以學。何以教。何以不厭不倦。然悟者。虛靈之偶徹。本體之暫現也。習心難忘。本真易昧。故非真修。不足以實真悟。若使天下萬世之念。不切好善惡惡之意。不誠徒執一見。自作過活假饒。身心安頓得下。恐非干聖血脈。

也知年丈辨之審矣。弟懼謬誤。正在臨岐。不審年丈何以教之。本真與何天玉。其妙不。以實真。其。諸賢得釋。海宇同歡。况足下之于僕邪。聞報之日。亟呼酒稱慶。一時侍兒亦有奇喜。可見心之同然。今足下已置身雲霄之上。足以羽儀天下。所被服者明霞。所餐者沆瀣。乃纖塵不到之境。若如光音仙人貪食地肥。便身重不能上天矣。慎哉。自愛。僕恃道義之愛。敢發此狂言。然人心甚危。雖豪傑之士。常不能自制。須得義理栽培。讀書賢于他好。知足下有味斯言也。

又

昨與門下無語不契合也。區區鄙意。則以門下既開此眼。更無別事。足赴之而已。離之初九。惟敬錯然之履。一片大光明。日就月將。在此所以爲踐形盡性也。困知錄已卒業否。以爲何如。

答吳安節

聖學全不靠靜。但各人稟賦不同。若精神短弱。決要靜中培擁。豐碩收拾來。便是良知。散漫去。都成妄想。益驗念菴先生無見成良知之說也。

又

人生處順境好過。却險處逆境難過。却穩世味。一些靠不著。方見道味親切。道味有些靠不著。只是世味。揷和兩者推敲。儘有進步。若順境中。

一切混過矣。當此世局。正是玉成。不可不知也。老年伯玩易了心。是無上勝事。滿日生機。充塞無間。人于其中。藐然有身。但胸次不著一物時。內外融徹。純是易也。卽易是心。無心可了。鄙見如斯。老年伯以爲如何。

與張子慎

別來兄進修何如。擺一分俗趣。入一分道味。勢不兩立者也。如兄聰明。何事不成。但恐志立兩

岐耳。今人自孩提至成人，父母之教，師傅之誨，曾有出于富貴之外者乎？根心生色，不言而喻，此念已若天性，而真仁義，反若矯揉。安望有超拔沉淪，能自覓求吾之所謂至富至貴者乎？非豪傑如兄而疇望，曩時面語，今日緘書，弟之鄙誠，無出于此。蓋弟誠自體驗，廣居正路，人人自有，不待安排，只爲此賊竊據其中，故主人翁擯逐于豺虎荆棘之叢，曾不得頃刻休息，發大勇猛，勢不與此賊俱生，方能擴通道路，光復吾廬。舍此而談玄說妙，平居儘足自哄，恐當境分毫用不著耳。

與陳敬伯

人生不向道理上去，總是虛生。道理不向身心上去，總是虛語。早下手一日，省氣力一日。惟丈念之。

荅周二魯

先生云、學涉玄虛、士迷利祿。二語括盡世弊。天下無真事功者、繇無真學術。學術果真、步步踏著實地。朝市山林、皆有事在、不必得位也。

與王具茨

丈夫生世、卽甚壽考、不過百年。百年中、除老穉之日、見于世者、不過三十年。可使其人重于泰華、可使其人輕于鴻毛。是以君子慎之、僕老矣。此三十年、從蠹魚中、忽忽而過、遂于世爲不足。

有無之人、努力春華、敢望之大君子、案牘之暇、近思錄、不可不讀。謹致一冊、聖度兄、居恒道大雅、津津然、春陽醉人、知仁者、施政惠民、正如斯矣。

題蒼苔陳筠塘

令公恣意、實從來所無。大抵天下、熱腸人、應作天下、喫虧人。然願年丈、百受人虧、不可使熱腸變冷。吾輩在世、寧有幾多時。百年喫虧人、自是。

千古便宜人也。

答孫子齋

門下不以文章之雄自雄、不以政事之卓自卓、顧蒿目棲心、在世道人才、此所謂豪傑之士也。夫豪傑之士、念不起于温飽、念不起于官爵、無念不在吾君吾民、此念一真、無事不真矣。莫輕視此身、三才在此、六尺莫輕視此生、千古在此。一日、門下勉旃自愛。

答劉心統

天下原是一身。吾輩合併為公。即天下如一氣。呼吸。何謂合併為公。人人真心為君民也。君民心真。則千萬人無不一。故曰如一氣呼吸。三晉得門下得保障矣。屬吏最優最劣。切願一聞此二項不爽。中人當不日而化。知門下心所同然也。

與黃鳳衢

古今歸命道  
年丈橫被風波、然轉高聲價矣。夫天意豈直高  
年丈之名、乃玉成年丈之實、百年浮榮、轉盼過  
眼。遲暮思之、惘然無得。若將向外精神、反歸自  
已。討箇定帖、乃千生萬劫、轉迷成覺之日也。此  
箇路頭、干涉非小。但在順境中、趁著興頭、難得  
回頭。逆境中、沒了世味、方尋真味。故弟嘗謂造  
化、每以逆境成全君子、以順境坑陷小人。以弟  
驗之、卽今半生受用、實緣 聖主一謫、年丈異  
日當有味斯語、幸勿以弟言爲迂而忽之。

與蔣恬菴

丈養高于家六年矣、人生幾得此閒日月、百年  
中詎數數有此幾六年。丈不以此時究身心之  
實益、求經濟之定計、乃于酒食戲談中、浪置此  
身。豈天所以生吾丈之意乎。天下之生久矣、經  
史具在、往跡昭然、大之而聖賢、次之一節之士、  
曾見有于酒食戲談中、得來者乎。世俗之名爲

迂者則誠迂矣、而所迂者又或以迂之者爲惜、二者之間、是非之實、吾丈不可不察也、縱言至此、弟狂過矣、請慎其餘、雖然、自六年來、弟與丈不相及者地、不相親者形、而彼此之情如一日、而一席之也、弟非丈不狂、狂于丈非狂也、第弟浪擲六年、并其飲食談笑之樂、而亦擲之、而且呶呶然發其狂言于丈夫、夫也、其亦謂今之狂也、與、

報大哥

東事甚急、以國家承平之久、故易壞、然以高帝功德之大、亦未易壞、弟原以君親二字出門、故在此甚安、當死則在家亦死、不當死則在此亦不死、人只爲看不透一命字、每先事憧憧耳、

與洪桂渚

邇來道况何如、世局如此、吾輩自簡處、欲日虛



日密自信處欲日堅日泰也。近因一二事觀天  
人之際如呼吸相應。詩云胡不相畏不畏于天  
甚矣天之可畏也。甚矣天之可恃以無畏也。丈  
自可默識于言意之表矣。

荅翁應玄

門下在檢關必有以自見矣。凡事只認真做去。  
自有効。世人見不透以爲人皆尚假。何能獨真。  
百假一真人必不容。不知惟其百假所以一真。  
易毀惟其不容于假所以必信于真。一真信之  
勝于百假容之矣。門下力行久久自見。

與觀華

馮少墟云人生自幼讀書成名作家生子俱少  
不得却俱算不得。雖至作好人尤少不得也。算  
不得弟謂若知道此少不得者俱算得。此一道  
字極可怪。一切點鉄成金如知易者一草一木  
一禽一獸皆卦也。靜觀真有趣。此可與吾丈道

耳東林得丈。不至草深。弟在此稍安。得脫便歸。畢竟此事爲吾輩究竟。夫子喟然與點。良有深味。近園適促弟歸。知心語也。

與許涵淳

令先慈久病不起。涵淳至性。哀痛可知。有修身一著。可報罔極也。學問起頭要知性。中間要復性。了手要盡性。只一性而已。性以敬。知性以敬。復性以敬。盡只一敬而已。讀書窮此者也。靜坐體此者也。會友明此者也。心無所適。便是敬。時時習之。熟則自妙。其他皆大耽閣。大障礙也。

與任希顏

深院幽閒。小齋闐寂。道人無事。臥起從容。胸中廓然。浩浩無涯。隨意靜坐。隨意讀書。隨意會友。畛域不設。物我皆春。事既易簡。味更悠長。此爲本分人作本分事。厥修乃來。如日加長。而不覺也。如曰吾志在天下。奈何爲此區區者。請看千

里遊心客。還是東林一腐儒。

與尤澹明

弟之視壻猶子也。第一欲其養成德器。次之欲其熟讀經書。素聞箭老篤于教孫。而舍親母頗過溺愛。然天下傷生之事非一。未聞在于讀書。讀書則心靜。心靜則氣和。閒惰則心放心放。則氣散。二者之間相去遠矣。小兒之疾多在寒煖不調。飲食不節。今不歸咎于不調不節之故。槩歸咎于讀書勤苦。故父母益成姑息。子弟益習頑惰。此惑不破。是廢學無成之兆也。夫學未有不勤而成功。師未有不嚴而教行。望丈以嚴為主。勿恤其他。雖其教之初行。或有不宜于人情。至于習而安之。久而成功。思丈有不能忘者矣。望以鄙意致箭老。必得內外一心。教乃可行。不然則一暴十寒。一傳衆咻。終無益也。舍親母亦已令人傳說。諸凡望丈主持決行。萬萬。

古今歸命是  
與卞子靜

年來愈覺得身心之事。當汲汲求之。不可丟在無事甲中。一切求閒好靜。總是無事生事。亦成當面蹉過。聖人之學。下學上達。惟是孜孜矻矻。好古敏求。只一求字。便可做二六時中工課也。何如。

答陳似水

十有其志。何所不可爲。况今所爲者。乃是孩提無知識時所具足。反以有知識後昧之者也。今借吾知識。反于孩提無知識時本色。故曰復其初門下弱體。但一切放下。不用一毫知識。胸中無物。皆真精神也。養德養身。是一件事。靈源返則靈機浚。理學與舉業。亦是一件事也。

與孫淇澳

世事甚危。黨人之危不足言也。年來履虎尾。反覺有用力處。現前於穆之真。絕無聲臭。安得有

古今歸命  
與卞子靜

年來愈覺得身心之事。當汲汲求之。不可丟在無事甲中。一切求閒好靜。總是無事生事。亦成當面蹉過。聖人之學。下學上達。惟是孜孜矻矻。好古敏求。只一求字。便可做二六時中工課也。何如。

答陳似水

十有其志。何所不可爲。况今所爲者。乃是孩提無知識時所具足。反以有知識後昧之者也。今借吾知識。反于孩提無知識時本色。故曰復其初門。下弱體。但一切放下。不用一毫知識。胸中無物。皆真精神也。養德養身。是一件事。靈源返則靈機浚。理學與舉業。亦是一件事也。

與孫淇澳

世事甚危。黨人之危不足言也。年來履虎尾。反覺有用力處。現前於穆之真。絕無聲臭。安得有

富貴貧賤夷狄患難。是刀鋸鼎鑊之所不能及。安得有死生。但在日用練習。純是此件。卽真無生死耳。知翁臺進步處。又在百尺竿頭。幸不吝教示。

荅楊金壇

世路翻覆。一彼一此。如山勢遞爲起伏。如水波遞爲來續。以此遞成。今古無足異也。但盛世之一往一來。究歸于治。衰世之一往一來。究歸于亂。仁人君子不能不爲杞憂。誠有如台臺所教。若不肖之放魚鳥歸林淵。適得其所。雖林淵未必遂成安處。而衰白之人。得一日且爲樂。一日總不作前後想也。伏承翰貺。此誼當篆之衷臆。

荅王無咎

世界如棋局。人才如白黑子。勝負不常在吾輩。則以不常者爲常。故勝不爲喜。負不爲戚。勝可也。負可也。客散棋收。勝負安在哉。常者在此不

在彼也。與其得罪千古。無寧得罪一時。困窮之中。借以洗心滌慮。爲大歸之計而已。道義之愛。中心藏之。所祈絢錦璞玉。以爲天下。與曹允大

昔漢二疏。祖帳東門外。爲千古健羨。近魏黃門。就逮。貴邑士人之攀號。爲千古悽愴。悽愴者何。必減健羨乎。天地間總是一大戲場。悲歡離合。畱一影子。與後人觀場耳。

臨終與華鳳超

僕得從李元禮。范孟博。遊矣。一生學力。到此亦得少力。心如太虛。本無生死。何幻質之足戀乎。諸相知統此道意。不能一一也。

東趙忻城掌府

猥詢時事。足見不遺。若之菲材。備員幕府。亦思佐議。以塞素餐。抵任以來。按之近政。將士併隸。司馬錢穀。併隸司徒。無庸出位之思矣。太祖

嘗諭幕府諸臣云、養兵而不病農、莫若屯田。至哉。王言、竊惟屯田實實邊之本。種塩實屯田之本。蓋必種塩後屯田不廢。必屯田後兵食兩足。倘自今、塩引勿納折色。邊地任人開植。有土則有人。有人則有衆。以九邊守九邊。卿九邊養九邊。遠軍更調。匱餉徵輓。不可少舒乎。時事此屬重要。不識明公以爲然否。

東鄒南臯總憲

郭給事媚黨、而劾講孔孟之學者、不意鄒魯之鄉生如此人。

與鍾伯振

凡有鉤挑、音已。凡無鉤挑、音殊。鳳殊鳥也。凡鳥之說、何以遂誤千古。

柬友

使來、知違和甚念。若之亦在呻吟中、未能往候。時方溽暑、暑病爲多。俗醫不達歲氣、多作寒疾。



治之。傷暑與傷寒。症相類。而藥相讐。須自察。

與顧與甫

風雨如狂。杏花憔悴。塊然獨坐。懊惱不禁。期子  
三頭敲棋。把酒消之。

東鄭令

醜。貪。莫。如。吏。債。京。師。子。錢。家。每。甘。誘。仕。人。朝。榮  
暮。貸。致。美。簪。裾。急。媚。妻。子。不。知。纔。一。抵。任。渠。輩  
守。勒。倍。稱。之。息。欲。不。貪。能。乎。足。下。資。斧。猶。可。支。

吾無爲此也。大都常情有。則糜之無亦遂已。

東友

幼童使學歌優。便成棄物。異日上之。止習其業。  
次則千姓奴。下則殘疾乞丐。壞人子弟。莫此爲  
甚。且謹謔跳踉獻笑爭妍之輩。日在家中。更自  
有極不便者。忝在素交。故極口相告。已之何如。

與洪仲韋

歸艇且爲遊艇。與君再話斯須。水關便是陽關。

不肖來朝西出矣。

東咸虛兄

睽違日久。懷想爲勞。江鯉塞鴻。雖成虛度。時詢之賀先生。固諗起居也。吾輩命窮。不約而同。弟行矣。計兄當初夏入南都。留此八行。用布懇款。大都衙門內生一事。未若省一事。交游中多一人。未若少一人。高明如兄。自洞見于此也。祖母年衰。報劉日短。弟抵里舍。不復遠遊。寥落此官。

正付之無何有耳。何時再晤。放筆踉踉。

東友

足下陡欲向學。志甚善也。荒廢之久。須如病者。倒倉盡去。舊惡乃可進以新美。

與王鍾湖

準提千手千眼。何若吾儒十指十視。慎此不愈于佞彼耶。

東友

天道陰陽、人事刑德、感應之捷、微乎微乎。刑德不舛則陰陽不乖、陰陽不乖則水旱不作、人勸天興、生道乃大、內安外順、賦役不繁、化理可臻。征伐何有、尚事功之足慕、而強富之屑談耶。不開節者固非、自是治標之見、終迂治本之圖、區區陋儒、不知天人之際、王道之端耳。

### 上相國

征伐之時、談禮樂似迂、夫禮樂正先、征伐而出之也。易曰：上天下澤履，君子以辨上下定民志。春秋云：師無鐘鼓曰侵，書稱舞干羽三苗格。是君子不可斯須去身者，使家國天下一主、敬和復焉。有征伐、征伐之云、兵車云乎哉。會計與征伐、又似兩事、顧兵車日減、則丘賦不日增、治本無二也。望相公留意焉。

### 東六部太守

今歲餉銀遲至此時、曾未一催者、不肖既同事

地方計此春夏窮月。畿輔窮黎。軍需雖乏。凡可委曲支撐。不敢不顧天時。民瘼輒馳督促之檄。傷臺下撫字之仁。增有司催科之擾也。秋成幸屆。司庫窮而又窮。實是緩無可緩矣。伏乞陸續徵解。接濟目下。撫字催科。古語猶判爲二。愚謂二而一也。何也。良有司催科中即可行撫字。偶地方不甚豐熟。維正之賦。只儘京邊。其餘襍項。少爲寬假。新絲新穀。易時則價倍饒。審所後先。酌民力而徐徵之。何催科之非撫字也。無奈有先其所後。反後其所先者。于民瘼軍需。兩無當耳。僭妄附言。高明是否。

上督撫

事功風化。術理攸分。舍風化亦焉有事功。孝悌忠信。制挺可撻利兵。渤海潁川。良牧卽是良將。是故富教之外。別無富強。

移兵道

千總小官乎、一弁良、則一枝勁、一不肖、則一枝  
頹、層而上之、偏裨大帥、部道督撫、皆寄性命其  
上、匪獨名器不可假人、性命可徇情面、十羊可  
使九牧、官多不患兵少哉、空名占役、勢所必然、  
卽小有雞狗之才、無甚熊羆之像、不若物色世  
職、嘗意捨衛軍求兵、捨衛官求將、近令未爲得  
也。

東總鎮

此何時也、各營仍是肩輿、殊非先勞、榜樣古之  
名將、不獨乘馬、猶馬上負石、以同士卒勞苦、而  
爲士卒倡率、寒不衣裘、暑不張蓋、夫豈未之前  
聞耶、幸轉語之

候周敬馭

想盡省梅花亦自苦寒也。未見馳情。

答林計部

立身豈是草草。立命乃可立身。命何物哉。心之

古今辭命達  
本體曰性、性自天賦曰命、言心可槩性與命矣。  
然惟善乃心之本體、惟本體乃天之所賦、能盡  
心卽率性也。

古今辭命達卷八終



